



Girkus

Mánáidgárddi mánát galget girkus fitnat. Sii leat bovdejuvvon dohko besset oahppat girku birra. Elle gal lea fitnan eatni ja áhči fárus girkus muhto dalle han galgá čohkkát jaska.

- Maid mii galgat girkus, jearrá Hánná.
 - Mii galgat geahččat makkár min girku lea ja maid doppe sáhtta bargat, muitala Hánsa, dat odđa mánáidgárddebargi.

- Leago doppe Jesus?

- Jesus? Na dan gal jáhkan, vástida Hánsa.

Mánát vázzilit ráidun, nu mo leat jo hájjanán. Okta bargi ovddimusas ja okta mañimusas.

Go jovdet girkui de nuolastit sii olgguldusbiktasiid feaskárii.

- Die han lea Jesus, dadjá muhtun go oaidná báhpa boahtimin.

- Na, diet gal ii leat Jesus, muhto báhppa, divusta Hánsa.

Báhppa lohká: Buresboahatin girkui, Ipmila vissui.

- Há? Ipmila vissui. Son bat lea dáppe? jearralii Ovlá.

- Na, Ibmil lea dáppe muhto son ii oidno.

Dál mii mannat girkui dohko boššui.

- Mii bat dat ges lea? jearrala Elle.

Bossu, bossu dadjá Ovlá ja dahká iežas bossumin, Pfhu.

Elle čaibmá.

Sii manne sisa ja báhppa de álggii muitalit girku birra ja maid girkus sáhtta dahkat.

- Muhtimat dis lehpēt gásttašuvvon unnin. Dalle bukte din váhneamat din deike ja dáhtto gásttašit din.

Duo lea gásttalihti. Diehko deavddán čáži maid mun de goiven máná oaiivvi ala golbmii.

- Mun gal lean fidnan dáppe konfirmašuvvnas.

Jo dat lea riehta. Juohke okta gii lea gásttašuvvon sáhtta konfirmerejuvvot.

- Mii bat dat ges lea?

- Go don leat unni de eadni ja áhčči mearrideaba ahte don galggat leat ibmila mánnán, danin gásttašuvvot. Ja go don stuorut de sáhtat ieš mearridit ahte háliidatgo ibmila mánnán, dalle sáhtat konfirmerejuvvot.

- Oh, mun gal in ádde dies in maidege.

- Girkus sáhtta maid náitalit.

- Dan gal dieđán mun mii lea. Mu eahki ja ipmi náitaleigga geassit.

- Na-a, ollu olbmot háliidit náitalit ja dalle sáhtta báhppa nátit dan pára.



- Maid eará máhtta báhppa?

Báhppa sáhtta hávdádit olbmuid... dat gal lea váivves bargu. Olbmuid lea lossa moraš go lagaš olmmoš jápmá. Dalle sáhtta boahit báhpain háleštit.

Maid eará sáhtta bargat girkus?

- Girkui sáhtta juohkehaš boahit, guldalit báhpa go sártnida, lávlut sálmmaid dahje dušše čohkkát jaskatvuodas ja smiehttat.

Hánna ja Elle pláneba ahte soai áiguba stoahkat báhppa ja girku mánáidgárddis, ja gásttašit dohkká ja náitit Piera ja Anja.

Muitalusa lea čállán: Liv Tone Boine



